

Rhaglen Gwyddor Gofal Iechyd

Cylchlythyr Tachwedd 2020

Rydym wedi symud!

Ar 1af Hydref, trosglwyddwyd y Rhaglen Gwyddor Gofal Iechyd Genedlaethol o Gydweithrediaeth Iechyd GIG Cymru i Addysg a Gwellu Iechyd Cymru (AaGIC) ac mae'n rhan o'r Tîm Trawsnewid y Gweithlu.

Mae hwn yn gam cyffrous ac mae'n rhoi cyfle i ni fanteisio i'r eithaf ar adnoddau presennol gan gynnwys cymorth cyfathrebu i helpu i hyrwyddo'r amrywiaeth eang o ddewisiadau gyrfa boddhaus ym maes gwyddor gofal iechyd, a chryfhau'r cysylltiadau presennol er mwyn cyflawni'r weledigaeth strategol ar gyfer iechyd a gofal cymdeithasol ledled Cymru sydd yn ein Fframwaith 'Gwyddor Gofal Iechyd yn GIG Cymru - Edrych Tuag at y Dyfodol'.

Os nad ydych chi'n gyfarwydd â'n fframwaith, gwnewch ddiod boeth i chi eich hun a dechreuwch ddarllen...

Dyma'r amser i wyddonwyr gofal iechyd ddisgleirio!!



Yn ogystal â'r symud, rydym yn falch o gyhoeddi bod Dr Delia Ripley, Uwch Reolwr Rhaglen y Rhaglen Gwyddor Gofal Iechyd Genedlaethol, wedi llwyddo yn ei chais am swydd newydd Dirprwy Brif Gynghorydd Gwyddoniaeth Iechyd Llywodraeth Cymru ac wedi dechrau ei swydd ar 1af Hydref.

Hoffem fanteisio ar y cyfle hwn i longyfarch Dee ar ei swydd newydd, a diolch iddi am ei holl waith caled, ei chefnogaeth a'i harweiniad dros y 18 mis diwethaf.

Logo Gwyddoniaeth Gofal Iechyd

Mae tîm y rhaglen yn gyffrous i gyhoeddi bod gan y Rhaglen Gwyddor Gofal Iechyd Genedlaethol logo bellach!



**Gwyddor
Gofal Iechyd
Cymru**



**Healthcare
Science
Cymru**

Buom yn gweithio gyda Scarlet Design, a greodd hefyd logos Ysbyty Calon y Ddraig a Gwasanaeth Genomau Babanod a Phlant Cymru (WINGS), i ddylunio ein logo cenedlaethol. Cafodd ei gynhyrchu ar y cyd â Bwrdd ein Rhwydwaith Gwyddor Gofal Iechyd a'n cydweithwyr gwyddor gofal iechyd ledled Cymru.

Scarletdesign

Diolch i chi i gyd am eich cyfraniadau gwerthfawr!

Yr her fwyaf i'n logo ni oedd cyfleu'r ystod eang o ddisgyblaethau sy'n bodoli yn y proffesiwn gwyddor gofal iechyd. Penderfynwyd ar ddeuddeg o eiconau sy'n ceisio adlewyrchu cwmpas ehangach gwyddor gofal iechyd. Mae'r dull gweithredu ar gyfer ein logo yn cyd-fynd â'r duedd a'r adborth y mae Scarlet Design wedi'u derbyn ers COVID-19, sef bod pobl yn ymgysylltu â logos sydd â naratif gweledol cryf.

Bydd y logo hwn yn helpu i adeiladu diwylliant 'un sefydliad' yn fewnol, gan gyfleu ein cryfder go iawn yn allanol – gwir ehangder gwyddor gofal iechyd yng Nghymru.

Adroddiad Astudiaeth Arloesi a Thrawsnewid COVID-19 GIG Cymru

Bydd gan Gwyddor Gofal Iechyd bennod benodol i ddangos gwaith anhygoel ein cydweithwyr yn Adroddiad Astudiaeth Arloesi a Thrawsnewid COVID-19 GIG Cymru.

Mae'r Rhaglen Gwyddor Gofal Iechyd Genedlaethol yn casglu'r ffyrdd newydd ac arloesol o weithio a ddangoswyd gan y gweithlu gwyddor gofal iechyd mewn ymateb i bandemig COVID-19.



**GIG
CYMRU
NHS
WALES**

Rydym yn falch o fod yn cydweithio â Thîm Trawsnewid Llywodraeth Cymru, Bwrdd Partneriaeth Rhanbarthol Gwent, Cydffederasiwn GIG Cymru a grŵp ehangach arweinwyr Arloesi GIG Cymru i gydlynu a chomisiynu'r adroddiad hwn. Mae Prifysgol Abertawe wedi llwyddo yn ei chais i ymgymryd â'r gwaith hwn a bydd canfyddiadau'r adroddiad yn cael eu lansio erbyn mis Mawrth 2021.

Diolch i bawb sydd wedi cymryd rhan yn yr arolwg, rydym yn gwerthfawrogi'n fawr eich bod wedi rhoi o'ch amser i ddweud wrthym am y gwaith anhygoel rydych chi wedi bod yn ei wneud ers dechrau'r pandemig.

Cwrdd â'r Gwyddonydd Gofal Iechyd

Mae gan y GIG draddodiad cryf o feithrin y gwyddonwyr gofal iechyd gorau a mwyaf disglair, ac rydym mor falch o ddathlu'r gwyddonwyr gwych sydd gennym yn gweithio o ddydd i ddydd i ddarparu gofal o ansawdd uchel i bawb.

Ym mhob rhifyn o'n cylchlythyr, byddwn yn tynnu sylw at ein gwyddonwyr gofal iechyd anhygoel. Y nesaf yw Matthew Thomas, Ymarferydd Cynorthwyol yn Labordy Trawsblannu ac Imiwnogeneteg Cymru, Gwasanaeth Gwaed Cymru.

Dywedwch wrthym am eich disgyblaeth gwyddor gofal iechyd?

Fy rôl i yw cefnogi gwyddonwyr gofal iechyd cofrestredig a gwyddonwyr clinigol cofrestredig gyda thasgau ymarferol o ddydd i ddydd yn y labordy. Rydym yn profi cydnawsedd meinweoedd ar gleifion sydd angen trawsblaniadau organau a thrawsblaniadau môr esgryn. Byddaf yn gwneud llawer iawn o brofion rheolaidd fel profion gwrthgyrff clinigol, sydd wedyn yn cael eu cymeradwyo gan wyddonydd cofrestredig. Rwyf hefyd yn helpu i redeg y labordy yn gyffredinol drwy brynu stoc, prosesu a chofnodi samplau cleifion, a pharatoi adweithredyddion a chyfarpar ar gyfer eu defnyddio bob dydd.

Beth ydych chi'n ei fwynhau am eich swydd?

Yr wyf yn hoffi fy mod yn helpu i wella bywydau cleifion sâl iawn megis cleifion sy'n cael trawsblaniadau arennau a chleifion y mae angen trawsblaniad môr esgryn arnynt. Rwy'n cael defnyddio amrywiaeth o offer technegol sy'n golygu defnyddio fy sgiliau datrys problemau a fy sgiliau clinigol.



Beth yw eich uchelgeisiau o ran gyrfa?

Ar hyn o bryd rwy'n astudio ym Mhrifysgol Metropolitan Caerdydd yn cwblhau modiwlau atodol er mwyn dod yn wyddonydd cofrestredig ac rwyf hefyd yn cwblhau'r portffolio IBMS. Rwy'n gobeithio cwblhau hyn erbyn haf 2021.

Sut ddaethoch chi yma?

Astudiais Fioleg ym Mhrifysgol De Cymru a graddio yn 2015. Rwyf wedi gweithio'n flaenorol yng Ngwasanaeth Gwaed Cymru fel Cynorthwydd Labordy Meddygol, yn ogystal ag mewn labordy preifat arall.

Pa fath o berson fyddai'n addas ar gyfer eich swydd chi?

Byddai'r rôl hon yn addas ar gyfer rhywun clinigol, sydd eisiau helpu eraill. Mae'r swydd hefyd yn rhoi profiad gwyb i unigolion sy'n awyddus i wella eu gyrfa.

Beth am i mi ganu eich clodydd i'r uchelderau am y gwaith anhygoel rydych chi'n ei wneud. Os hoffech chi gymryd rhan yn ein hadran 'Cwrdd â'r Gwyddonydd', cysylltwch â Sam ar samantha.cook3@wales.nhs.uk.

Mae Angen Eich Help Arnom!

Rydym yn y broses o gasglu cyfres o broffiliau swyddi o bob rhan o wyddor gofal iechyd er mwyn dwyn ynghyd y canlynol:

- Yr amrywiaeth o ddisgyblaethau mewn gwyddor gofal iechyd
- Y gwahanol lefelau o ddilyniant gyrfa
- Y gwahanol lwybrau mewn addysg a hyfforddiant
- Dealltwriaeth o'r gwahanol rolau a chyfrifoldebau swyddi


Rydyn ni eisiau dangos ehangder gwyddor gofal iechyd, a'r bobl anhygoel sy'n gweithio yn y maes! Cwblhewch broffil swydd yn y ddolen isod.

Diwrnod Peirianeg Glinigol Y Byd 2020

Ar 21ain Hydref 2020, daeth cydweithwyr o bob cwr o'r byd Peirianeg Glinigol at ei gilydd yn rhithiol i ddathlu Diwrnod Peirianeg Glinigol y Byd. Nod y dathliadau oedd cydnabod cyfraniad pwysig peirianwyr clinigol i ofal iechyd.


Mae'r gweithlu peirianeg glinigol yn hanfodol i ddarparu gofal diogel o ansawdd uchel, ac mae'n chwarae rhan ganolog yn y gwaith o ddarparu llywodraethu, hyfforddiant clinigol, caffael a rheoli offer achub bywyd. Cymerodd Peirianwyr Clinigol o bob cwr o'r wlad yr awenau gyda'r cyfryngau cymdeithasol i hyrwyddo a dathlu'r gwaith amhrisiadwy a wnânt.

Creodd yr adran Peirianeg Glinigol ym Mwrdd Iechyd Hywel Dda fideos yn arddangos eu gwaith yn Ysbyty Tywysog Philip ac Ysbyty Bronglais. Diolch o galon i Chris Hopkins a'r timau Peirianeg Glinigol am eu gwaith caled. Gallwch gael rhagor o wybodaeth amdanynt drwy wyllo eu fideos isod:



Mae cydweithwyr ym maes Peirianeg Glinigol ym Mwrdd Iechyd Prifysgol Caerdydd a'r Fro hefyd wedi creu fideos gwych. Yr oeddem yn arbennig o hoff o'r ffordd yr oeddent yn disgrifio'r gwahanol lwybrau i'r proffesiwn a'r cyfleoedd datblygu sydd ar gael ym maes Peirianeg Glinigol.

Mae'r fideos hyn ar gael ar sianel YouTube Caerdydd a'r Fro ac mae dolon iddynt isod:




I weld mwy o'r cynnwys gwych sy'n cael ei rannu ar draws y cyfryngau cymdeithasol ar Ddiwrnod Peirianeg Glinigol y Byd, edrychwch ar y canlynol:

- Yr hashtag #GlobalCEDay2020 ar Twitter
- Y Sefydliad Ffiseg a Pheirianeg mewn Meddygaeth lle gallwch ddod o hyd i ragor o fideos ac adnoddau

Porth Arweinyddiaeth Gwella

Ym mis Awst, lansiodd Addysg a Gwella Iechyd Cymru (AaGIC) 'Gwella', y porth arweinyddiaeth dwyieithog ar gyfer GIG Cymru. Mae'n darparu mynediad at ystod eang o adnoddau arwain a rheoli tosturiol wedi'u curadu o The King's Fund, y Brifysgol Agored a chydweithwyr ar draws gwledydd eraill y DU. I weld mwy o'r cynnwys gwych sy'n cael ei rannu ar draws y cyfryngau cymdeithasol ar Ddiwrnod Peirianeg Glinigol y Byd, edrychwch ar y canlynol:

Gallwch hefyd gael gafael ar ddeunyddiau sydd ar gael fel adnoddau addysgu i sefydliadau eu hintegreiddio mewn rhaglenni arwain a rheoli presennol. Mae Gwella wedi'i gynllunio i alluogi sefydliadau'r GIG i greu rhwydweithiau arweinyddiaeth, adnoddau wedi'u digideiddio, a darparu



rhaglenni arwain a rheoli drwy ei gyfleusterau ystafell ddosbarth rithiol integredig.

I gael rhagor o wybodaeth am sut gallwch chi fanteisio i'r eithaf ar yr adnodd arweinyddiaeth cyffrous hwn, cysylltwch ag Emily.Millar@wales.nhs.uk.

Gwobrau AHA 2020

Yn dilyn llwyddiant ysgubol Gwobrau Arloesi mewn Gofal Iechyd Cymru y llynedd, cynhaliwyd Gwobrau Arloesi mewn Gofal Iechyd ledled y DU 2020 ar 16eg Hydref fel rhith ddigwyddiad.

Rydyn ni'n hynod gyffrous i gyhoeddi ein henillwyr gwyddor gofal iechyd o Gymru:

- Gwobr Seren Newydd (dan nawdd Chamberlain Dunn)
- Maria Burton, Gwyddonydd Clinigol dan Hyfforddiant, Labordy Trawsblannu Cymru, Ymddiriedolaeth GIG Prifysgol Felindre
- Gwobr y Gyfadran Iechyd y Cyhoedd ac Iechyd y Cyhoedd Lloegr am gyfraniad at Iechyd y Cyhoedd - Oliver Williams, Cofrestrydd Arbenigol mewn Iechyd Cyhoeddus a Cheryl Williams, Prif Ymarferydd Iechyd, Bwrdd Iechyd Prifysgol Caerdydd a'r Fro. Ysgolion Cadw Heb Gwmpo (Staying Steady Schools): Ymwybyddiaeth o Gwympiadau Rhwng cenedlaethau.



Llongyfarchiadau mawr i'r holl enillwyr ar draws gwyddor gofal iechyd ac AHP. Cafwyd cymaint o enghreifftiau o waith anhygoel ac arloesol gan weithwyr proffesiynol ym maes gofal iechyd ledled y DU.


Mae fideos o'r holl enillwyr a'r rhai a gyrhaeddodd y rownd derfynol [yma!](#)

Gwyddor Gofal Iechyd yn y Newyddion

Mae stori newyddion wych wedi cael ei chyhoeddi ym MediWales: Cylchgrawn LifeStores 2020 yn tynnu sylw at y gwaith sy'n cael ei wneud gyda Chyfleuster Ymchwil Biomecaneg Prifysgol Caerdydd. Mae'r cyfleuster bellach yn cynnal Gwasanaeth Dadansoddi Cerddediad Clinigol cyntaf Cymru dan arweiniad clinigwyr o'r Uned Peirianeg Adsefydlu ym Mwrdd Iechyd Prifysgol Caerdydd a'r Fro.

Mae dadansoddi Cerddediad yn mesur ac yn asesu patrwm cerdded cleifion gan ddefnyddio amrywiaeth o dechnolegau, ac mae'r canlyniadau a'r dadansoddiad cysylltiedig yn rhoi darlun manwl i'r clinigwr sy'n eu hatgyfeirio.

Gallwch ddarllen yr erthygl yn ei chyfanrwydd yma:



Cyfleoedd a Gwybodaeth

Rydyn ni eisiau gwybod beth rydych chi eisiau ei weld gennym ni!

Ddechrau 2021, bydd Tîm y Rhaglen Gwyddor Gofal Iechyd Genedlaethol yn cynnal gweminarau a sesiynau ymgysylltu rhithiol ar gyfer ein gwyddonwyr gofal iechyd ledled Cymru. Rhowch wybod i ni:

- Pwy a beth hoffech chi ei weld o'r sesiynau hyn?
- Os hoffech chi gymryd rhan i arddangos y gwaith anhygoel rydych chi'n ei wneud, neu i rannu taith eich gyrfa

Cysylltwch â ni – allwn ni ddim aros i glywed eich holl syniadau!

Byddem yn falch iawn o allu olrhain 'diwrnodau ym mywyd' rhai o'n Gwyddonwyr Gofal Iechyd a rhannu eich fideos drwy'r cylchlythyr hwn ac ar ein cyfrif Twitter [@GGI_Cymru](https://twitter.com/GGI_Cymru).

Er na allwn warantu y bydd ein gwyddonwyr yn dod yn enwog dros nos, mae hwn yn gyfle rhagorol inni gydweithio er mwyn codi proffil ein proffesiwn ac i roi sylw i rai o'r swyddogaethau hanfodol o fewn y proffesiwn. Rydym hefyd yn awyddus i ysbrydoli ac annog pobl i gychwyn ar yrfa yn y gwyddorau gofal iechyd neu i ddatblygu ymhellach o fewn yr yrfa honno.

Does dim angen i'ch cyfraniad fod yn rhy ffansi a does dim angen iddo fod wedi'i gynhyrchu'n broffesiynol. Os ydych yn berchen ar ffôn clyfar, mae eisoes gennych chi ddyfais wych yn eich dwylo y gallwch greu fideos â hi! E-bostiwch samantha.cook3@wales.nhs.uk a chyfrannwch!